

Headline	Majlis Aidilfitri raikan anak-anak yatim kakitangan TNB meriah		
MediaTitle	Utusan Malaysia		
Date	22 Jul 2016	Language	Malay
Circulation	171,663	Readership	563,000
Section	Dlm Negeri	Page No	9
ArticleSize	826 cm ²	Journalist	N/A
PR Value	RM 48,976		



Majlis Aidilfitri raikan anak-anak yatim kakitangan TNB meriah

KUALA LUMPUR 21 Julai - Hari Raya Aidilfitri bukan setakat suatu perayaan yang disambut pada setiap tahun oleh umat Islam di seluruh dunia, tetapi juga boleh dijadikan platform bagi merapatkan lagi hubungan di dalam sesebuah keluarga mahupun organisasi.

Demi mengeratkan hubungan silaturahim antara kakitangan, Tenaga Nasional Berhad (TNB) telah menganjurkan Majlis Mesra Aidilfitri Peringkat Ibu pejabat untuk meraikan lebih 2,500 warga kerjanya di Dewan Serbaguna, Kompleks Sukan TNB, Kuala Lumpur Isnin lalu.

Kemeriahan sambutan majlis itu lebih terasa dengan kehadiran 40 orang anak yatim kakitangan TNB yang diraikan yang mana masing-

masing turut menerima sumbangan duit raya RM100 yang diberikan oleh Presiden/Ketua Pegawai Eksekutif TNB, Datuk Seri Ir. Azman Mohd.

Majlis yang diadakan setiap tahun itu secara tidak langsung telah menceriakan hati anak-anak tersebut selain mengubat rindu mereka terhadap insan tersayang.

Itulah kelebihan TNB, biarpun ibu atau bapa anak-anak tersebut tidak lagi bersama-sama TNB kerana telah meninggal dunia, namun kebajikan anak-anak mereka masih dijaga terutamanya dalam pendidikan.

Bagi **Ahmad Kamil Norizan**, 11, tahun ini merupakan tahun keduanya meraikan Majlis Mesra Aidilfitri TNB

selepas bapanya meninggal dunia pada awal tahun lalu.

Ahmad Kamil kehilangan bapanya, Norizan Abdullah pada akhir bulan Februari tahun lalu yang meninggal dunia akibat terkena renjatan elektrik voltan tinggi ketika sedang menyelenggara sebuah pencawang elektrik.

Seperti kanak-kanak lain, Ahmad Kamil gembira apabila dapat berkumpul bersama-sama teman yang lain dalam satu majlis yang cukup meriah, apatah lagi turut menerima duit raya iaitu satu perkara yang sememangnya dinantikan kanak-kanak.

"Dengan duit raya ini, saya hendak bel emas. Emak cakap itulah simpanan jangka panjang."

"Duit sumbangan pendidikan yang saya dapat setiap enam bulan pun akan saya gunakan untuk membeli emas," kata anak bongsu daripada tiga beradik ini.

Sementara itu, **Mohd. Iqbal Syafiq Mohd. Azizul**, 9, pula ingin menggunakan semua duit rayanya termasuk yang diberikan oleh TNB untuk membeli sebuah basikal.

"Semua duit raya saya berikan kepada ibu untuk disimpan. Bila dah cukup nanti saya hendak membeli basikal, tidak payahlah menyusahkan Umi untuk membelinya," katanya.

Mohd. Iqbal Syafiq datang ke majlis tersebut dengan ibunya, **Norsyahida Abd. Aziz** dan tiga adiknya Nur Najwa Qaisara, 8 dan pasangan kembar, Mohd. Iqbal Wafiq serta Mohd.

Iqbal Wafiq, 7.

Menurut Norsyahida, setiap tahun anak-anaknya memang menunggu-nunggu Majlis Aidilfitri TNB. Bukan sahaja meriah, mereka juga dapat bertemu semula teman-teman lama arwah bapanya.

"TNB tidak pernah melupakan kebajikan anak-anak kepada kaki-

tangan yang meninggal dunia ketika berkhidmat di TNB. Mereka diberikan bantuan pendidikan setiap bulan sehingga tamat persekolahan. Malah, setiap tahun mereka pasti diajak bersama-sama memeriahkan lagi Majlis Mesra Aidilfitri TNB," kata Norsyahida.

Namun bagi **Nursyazana Abduraman**, 17, yang pertama kali menghadiri Majlis Mesra Aidilfitri di Ibu pejabat ini, kemeriahan suasana itu secara tidak langsung dapat menceriakan hatinya yang sayu tatkala menyambut Syawal tanpa kehadiran insan bergelar bapa.

Malah katanya, dia juga dapat berkenalan dengan anak-anak yatim yang lain dan mereka juga terharu kerana TNB tidak pernah melupakan mereka biarpun bapa atau ibu mereka tidak lagi berkhidmat di TNB.

Majlis Mesra Aidilfitri TNB yang diadakan bermula dari pukul 12 tengah hari hingga 3 petang itu telah diceriakan lagi dengan gelagat dan celoteh Mazlan Ahmad atau lebih dikenali sebagai Lan Pet sambil para tetamu menjamu selera dengan pelbagai juadah tradisional.

Headline	Majlis Aidilfitri raikan anak anak yatim kakitangan TNB meriah		
MediaTitle	Utusan Malaysia		
Date	22 Jul 2016	Language	Malay
Circulation	171,663	Readership	563,000
Section	Dlm Negeri	Page No	9
ArticleSize	826 cm ²	Journalist	N/A
PR Value	RM 48,976		



**AHMAD KAMIL
NOIZAN**

**NURSYAZANA
ABDURAMAN**



MOHD. IQBAL SYAFIQ MOHD. AZIZUL (kiri) dan ibunya Norsyahaida Abd. Aziz serta adik-beradiknnya yang lain hadir pada majlis rumah terbuka TNB.



AZMAN MOHD. (berdiri, dua dari kiri) beramah mesra dengan kakitangan yang hadir pada Majlis Mesra Aidilfitri TNB.

Headline	Majlis Aidilfitri raikan anak anak yatim kakitangan TNB meriah		
MediaTitle	Utusan Malaysia		
Date	22 Jul 2016	Language	Malay
Circulation	171,663	Readership	563,000
Section	Dlm Negeri	Page No	9
ArticleSize	826 cm ²	Journalist	N/A
PR Value	RM 48,976		



LEBIH 2,500 kakitangan TNB memeriahkan Majlis Mesra Aidilfitri Peringkat Ibu pejabat (Warga Kerja) di Kuala Lumpur, baru-baru ini.



AZMAN MOHD. (empat dari kiri) memberi duit raya kepada anak-anak yatim kakitangan TNB.